

মানসলীলা ।

(বিজ্ঞান-মূলক নাটক)

বর্দ্ধমানাধিপতি-মহারাজাধিরাজ-বাহাদুর

শ্রীল শ্রীযুক্ত স্মর বিজয় চন্দ মহতাব,

কে, সি, এস, আই; কে, সি, আই, ই; আই, ও, এম;

বিরচিত ।

সন ১৩২০ সাল ।

বর্দ্ধমান রাজবাটা

All rights reserved.



৩

উঠ, জাগ, লাস্তিত্যাগ, লভিয়া শান্তি বিরাগ,
সত্যে কর অনুরাগ, সত্যে মাত্র আছে মার।”

উৎসর্গ পত্র।

ধর্মী-অন্যায়ী-জীবে

স্বামী ও স্ত্রী

স্বতি ওদেবে

৯



নাটোল্লিখিত চরিত্র-নিচয়

১৪৭৩৩

চন্দ্রজিৎ	...	ক্ষত্রিয় রাজর্ষি ।
কমলকুমারী	...	উক্ত রাজর্ষির যোগাশ্রমের সেবিকা ।
মানসলীলা	...	উক্ত যোগাশ্রমের অপর সেবিকা ।

অনেক যুবক, উদাসীন, দ্বারপাল, দণ্ডী ইত্যাদি ।

প্রথম অঙ্ক ।

প্রথম দৃশ্য ।

স্থান—রাজষি চন্দ্রজিতের যোগাশ্রম । •

(রাজা চন্দ্রজিৎ ধানমগ্নাবেশে গাহিতেছেন)।

টোড়ী ভৈরবী—একতাল।

আধার জীবনে তুমি যে গো আলো,

জ্যোতির্ময় তুমি, আরী সব কালো,

তোমা বিনা কিছু, নাহি প্রাণে ভাল •

লাগেগো বিধাতা, দাতা, পাতা, তাতঃ

লহ বুঝে বিভু, এই রাজ্য তব,

ছেড়ে' দাও মোরে ওহে ভবধব,

বাসনা অন্তরে, যে'তে গায়াপারে,

ডাকেহে পাতকী, তাই অবিরত ॥

(কমলকুমারার প্রবেশ ও রাজষিকে সম্মানে অভিবাদন)।

চন্দ্রজিৎ—কি মা আনন্দময়ি, এলি মা ?

কমলকুমারা—হাঁ আর্ষ্য ।

মানসলীলা

চন্দ্রজিৎ—‘দেখ, মা কমল ! আজীবনটা ভোলানাথকেই
ডেকে আসছি, কিন্তু আজ কেন জানি না একবার
সেই পাগলী বেটীকে ডাকতে ইচ্ছে যাচ্ছে ।
একবার সেই ধীর স্থিরভাবে সম্মুখে দাঁড়াতে মা ।

(কমলকুমারীর নিশ্চল ভাবে রাজষির সম্মুখে দণ্ডায়মান
হওন ও চন্দ্রজিতের ধ্যানমগ্ন হইয়া গীত) ।

কীর্তন—একতাল।

ভকতজন-বাঞ্ছিতধন, করুণাময়ী মাগো ।
তাপিতমন-শান্তিকারণ, আনন্দময়ী মাগো ॥
দেখাগো মা নিরন্ত পথ, পূর্ণকর মা মনোরথ,
ছায়া মূছায়ে, মায়া ঘুচায়ে, দে দয়াময়ী মাগো ॥

(একদিক দিয়া সজল নয়নে রাজষিকে অভিবাদন করতঃ কমলকুমারীর
প্রস্থান ও অপরদিক দিয়া সহস্র বদনে মানসলীলার প্রবেশ) ।

চন্দ্রজিৎ—কি লীলা, তোর সংবাদ কি, আজ কোন
আলোচনা করবি না ?

মানসলীলা—এ দাসীকে না দন্ধালে বুঝি স্মৃথ হয় না ?
‘পবিত্র-প্রেম’ ‘পবিত্র-প্রেম’ বলে বলে আমায়
দেখে বিভোর হও আর আমি সেই সঙ্গে অনঙ্গ
দহনে জ্বলে মরি । প্রভু ! তোমার এ কি

আচরণ ? তুমি সিদ্ধপুরুষ হও. আর নাই হও, আমাকে ভালবেসে তোমার বিকার ঘটুক আর নাই ঘটুক, আমায় এত ভাল বেসো না । আর যদি বাস আমার শরীর মন সব গ্রহণ কর । এ 'ধরা ধরা ধরা দেব না' এ ভাব আমি সহ্য করতে পারবো না । আর না হয় বল আমি যথা মন চলে যাই ।

চন্দ্রজিৎ—মানসলীলা, আবার সেই প্রলাপ বকিতেছ, কতবার বলিয়াছি তুমি আমার আত্মার প্রতিচ্ছায়া, তুমি মানস-জগতে আমার সেই আত্মাশক্তি-রূপা । আমি জ্ঞান তুমি শক্তি, আমি গুণ তুমি রূপ, আমি বিবেক তুমি আলোক । ইহাতেও কি তোমার পরিতাপ্তি হয় না ? আমার প্রকৃত আশ্রয়টুকু তোমায় সম্পূর্ণ দিয়াছি । তাহা সত্ত্বেও, তাহা পাইয়াও কি আমার এই পোড়া দেহটার জন্য তোমার আকাঙ্ক্ষা গেল না ? ছি লীলা ! ছি মায়াময়ি ! এ সব ভাব তোমাতে সাজে না । পবিত্রতা উপলব্ধি কর, কারণ তাহাই অটুট থাকিবে, তাহাই চিরস্থায়ী, আর সব ফুৎকারে

মানসলীলা ।

নিভিয়া যাইবে । লীলা, লীলা, তুমি আমার মানস-
উদ্যানের অপূর্ণ পুষ্প তাহাতো .জান । আমার
অন্তরের পারিজাত, যত দেখি তত আনন্দ পাই ।
আর যদি সেই পারিজাতটিকে মানস-উদ্যান
হইতে উঠাইয়া জীব জগতে আনি, তাহা হইলে
আমার হস্ত-স্পর্শে তাহার সুকোমল পাপড়িগুলি
একে একে খসিয়া পড়িবে, তাহার পবিত্রতা
মলিনতায় পরিণত হইবে, তাহার প্রস্ফুটিত ভাব
বিশুদ্ধ হইয়া যাইবে । ধ্রুবতারা ! বোঝ, বোঝ ।
কর জোড়ে বলি—এই পবিত্র প্রেম বোঝ ।
তোমাকে পাপভাবে স্পর্শ করিলে তোমায় যে
আর পাইব না । তুমি, প্রকৃত তুমি, অনন্তে
মিশিয়া যাইবে, আর আমি নিয়ম সংযম হীন হইয়া
মর জগতের শত তাড়নায় অধীর হইয়া পড়িব ।

মানসলীলা—প্রভু, সব বুঝি কিন্তু দুর্বল আমি,
আমার এতে সাধ মেটে না । আমার মনে হয়
তুমি আমার কুল মান সব নাও, অঙ্গে অঙ্গে স্পর্শের
সুখে আমায় মাতোয়ারা কর । আমি এ ভাবে
আর থাকিবনা, থাকিবনা, থাকিবনা ।

চন্দ্রজিৎ—(ক্ষুব্ধভাবে) এ জীবন না সহ্য হয় প্রশস্তদ্বার
সম্মুখে, যথা ইচ্ছা চলিয়া যাও । যখন আশা
অপেক্ষা আমার এই শূলবপু তোমার প্রিয় তখন
বপুর বিলাস-উপাদাননিচয় নিশ্চয় তোমার
মনকে ভুলাইয়াছে । যাও—এ• আশ্রমের
পবিত্রতায় তোমার হস্তক্ষেপ করিবার অধিকার
নাই । যথা মতি তথা গতি হউক ।

মানসলীলা—(রুষ্ট স্বরে) এই কি ধর্ম্য ? এই কি নিয়ম ?
এই কি সংযম ? রেখে দাও তোমার যুক্তি ও
তর্ক—বেদ আর বেদান্ত । আমার মন হরণ করে,
আমার আত্মায় কলুষ এনে, আমার দুর্বলতার উপর
চাপ দিয়ে, এখনও দক্ষাতে চাও ? আমার মনে
অশান্তি দিয়ে আমাকে পথের ভিখারিণী করতে
চাও ? তুমি নিবীৰ্য্য, তুমি চণ্ডাল, তুমি কাপুরুষ ।
তুমি আমার সবই হরণ করেছ । ধিক্ তোমার
জীবনে ! ধিক্ তোমার প্রেমে ! ধিক্ তোমার
মনুষ্যত্বে—

চন্দ্রজিৎ—(বাধা দিয়া) মায়াবিনি ! আজ অনেক আশা
ভরসা তোমার কথায়, তোমার নির্দয়তায় ভাঙ্গিয়া

মানসলীলা ।

যাইতেছে । তুমি সন্ন্যাসীর প্রেম বুঝিতে
পারিতেছ না তাই এইরূপ প্রলাপ বকিতেছ ।
যাহা হউক এ আশ্রমের আর অকল্যাণ সাধিও না ;
এখন যাও, পরে উপবনে তোমার সহিত সাক্ষাৎ
করিব এবং তথায় তোমার এই বিভীষিকাময়
অহিতকর প্রস্তাব সকলের যথাবিহিত উত্তর দিব ।

(মানসলীলার চন্দ্রজিতের দিকে কামাসক্রা ভাবে নির্নিমেষ
নয়নে চাহিতে চাহিতে প্রস্থান) ।

চন্দ্রজিৎ গম্ভীর স্বরে গাহিলেন ।

ইমনকল্যাণ—তেওড়া ।

মহাবীর্য্যে বল বীর্য্যহীন
ধন্যপালে বলি অধাম্মিক
বুঝিয়া বুঝিলি না,
আমি কাম্যী নহি পাপী নহি

রাজধিরে চাঁড়াল ।
ভাঙ্গ নিজ কপাল ॥
পূতপ্রাণে দিলি যাতনা,
নহি তুচ্ছ ভূপাল ॥

(প্রস্থান)

দ্বিতীয় দৃশ্য ।

আশ্রম পার্শ্বস্থ উপবন ।

(চন্দ্রজিৎ চিন্তায় মগ্ন ; ক্ষণকাল এদিক ওদিক দেখিয়া গাহিলেন) ।

গান্ধাজ—ঝাঁপতাল ।

কিসের দুঃখ, কিসের কষ্ট, কিসের মিছে ভাবনা ।
কেনবা ক্ষোভ, কেনবা রোষ, কেনবা এত যাতনা ॥
যখন আমি আছি তোমাতে, তখন কেন দাও আমিতে,
মানসে গ্লানি, মানস-রাণী, মানস-কমল-আসনা ।
মধুর ভাবে, মধুর ক্লান্তি, মধুর প্রেমে, মধুর শান্তি,
মধুরে তোরে, ক্রবতারারে, সতত রাখিতে বাসনা ॥

(বেগে মানসলীলার প্রবেশ)

মানসলীলা—আবার ঐ গান ! আবার ছলনা ! হয় আগাকে
নাও, আর তা না নাও, ত আমার যৌবনের প্রীতি
জন্য ধন রত্ন দিয়া বিদায় দাও আর তা যদি না
দাও তবে আমি মরব ।

(তীক্ষ্ণ ছুরিকা কটি দেশ হইতে বাহির করিয়া নিজ বক্ষে বিদ্ধ করিবার
উদ্দেশ্যে, দ্রুতপদে কমলকুমারীর প্রবেশ ও মানসলীলাব : স্ত হইতে
ছুরিকা দূরে নিক্ষেপ করতঃ তাহাকে হুই বাছ দ্বারা পারবেষ্টন) ।

মানসলীলা ।

চন্দ্রজিৎ—যাঁ'কে ভব ভাবায়, ভব ঘুরায়, ভব ভোলায়,
তা'কে আমার সাধা কি কন্মবিপাক হইতে, মায়ার
ঘূর্ণাবর্ত্ত হইতে রক্ষা করি। . লীলাময়ী মানস
প্রতিমা ! তোমার ভবিতব্যে বাহা আছে তাহা
অন্তর্দৃষ্টিতে বেশ দেখিতেছি। হায়, আমার পবিত্র
ভালবাসার যে এই প্রতিদান হইবে তাহাত স্নেহও
ভাবি নাই। যাক্, বঝোছি আমারও এখন মানুষ
হইতে বিলম্ব আছে। এই লও লীলা, ধন রত্ন
লও (অর্থ ও রত্নাদি প্রদান) : পাথিব আকাঙ্ক্ষা পূরণ
করগে। তোমার যৌবনের প্রথম পিপাসা মিটিয়া
গিয়াছে ভাবিয়াই তোমায় আমার হৃদয়ের পবিত্র
প্রেম দেখাতে সাহসী হইয়াছিলাম। এখন
দেখিতেছি তাহা আমার মহা ভ্রম হইয়াছিল, কারণ
এখনও নব নব পিপাসা তোমার হৃদয়কে ব্যাকুলিত
করিতেছে, এ সকলে যে তোমার মঙ্গল হইবে না
তাহা বুঝিতেছি। কামের বশবর্ত্তিনী হইয়া তুমি
কোন মোহ-সমুদ্রে ভাসিয়া যাইবে জানি না, তবে
জানিও, জীবনের ভাটা আরম্ভ হইলে আবার এই
দিকেই আসিতে হইবে। লীলা, তুমি এই উন্মত্ততার

জোয়ারে এখন যেখানেই ভাসিয়া যাও না কেন,
মনে রাখিও, এ সম্ম্যাসী-হৃদয় তোমার জন্য পাতা
রহিল । যখনই ক্লান্তা, শ্রান্তা, ভ্রান্তা, কুলহারা,
প্রাণহারা হইয়া পড়িবে তখনই আসিও, আমার এ
মানস-মন্দিরে তোমার যে স্থান সংরক্ষিত আছে
তাহা কখনও অন্যের অধিকারে যাইবে না ;
লীলা, বুঝিয়াছত ? বুঝিলে ত, লীলা ? এখন যাও,
যেখানে নিয়তি লইয়া যাইতেছে তথায় যাও ।
তবে স্মরণ রাখিও যতদিন না তোমার চেতনা
হইতেছে—যতদিন না মনের ভ্রম ও কলুষ বিদূরিত
হইতেছে ততদিন আর আমার সাক্ষাৎ পাইবে না ।

• (স্বগত) হায়, যা'কে এত ভাল বেসেছি, যার আত্মার
হিতের তরে দিবানিশি নিজের যোগশান্তি ভঙ্গ
করেও ভেবেছি, কেঁদেছি, তাকে এইরূপে বিদায়
দিতে হবে কে ভেবেছিল ! আজ একটা
হৃদয়ের মহাতন্ত্রী কে যেন ছিঁড়ে নিচ্ছে ।

• (প্রকাশ্যে) লীলা ! বিদায় ; তোমার শত অপরাধ,
শত পাপ আজীবন সহ্য, ক্ষমা ও বহন করিব ।

(মানসলীলার দিকে সজল নয়নে তাকাইয়া চন্দ্রজিতের দীর্ঘ-
• নিশ্বাস ত্যাগ করতঃ উপবনের নির্বিড় প্রান্তে প্রবেশ) ।

মানসলীলা ।

কমলকুমারী—(মানসলীলার গলবেষ্টন করতঃ গদ্ গদ্ স্বরে
ছি ছি ! সব হারালি ! হায়, হায়, এ কি করলি !

(মানসলীলা ও কমলকুমারীর নীরবে প্রশ্নান । চন্দ্রজিতের পুনঃ
সম্মুখে আগমন ও যে দিক দিয়া মানসলীলা প্রশ্নান করিল সেই
• দিকে ক্ষণকাল চাহিয়া গান) ।

•
বেহাগ—আড়াঠেকা ।

হারালি করম দোষে	পবিত্র প্রেমের ধারা ।
বঝিলি না কেন তো'রে	বাসি ভাল, ক্রবতারা ॥
ভুচ্ছ ধন মান লাগি,	হয়ে কাম-অনুরাগী,
করিলি মোরে বিরাগী,	দুঃখেতে পাগলপারা ।
নাহি ক্ষেত্ৰ আচরণে,	যদিচ লেগেছে প্রাণে,
তো'র ভাব দরশনে,	হেরি' তো'রে দিশেহারা
আমাকে পা'বার আশা,	হইল এবে দুরাশা,
পুণ্যভাব নাহি রহে,	যথা পাপ পূর্ণাকারা ।
বিভুপদে এ মিনতি,	করুন তো'র সুগতি
ফিরুক্ লীলার মতি,	বহুক্ আনন্দ ধারা ॥

গটক্ষেপন] ।

• দ্বিতীয় অঙ্ক ।

— প্রথম দৃশ্য । —

মানসলীলার সুসজ্জিত গৃহ-কক্ষ ।

মানসলীলা—(স্বগত) রূপযৌবনের লালসায়, চন্দ্রজিতের
টাকায় বিলাসেরত চূড়ান্ত হয়ে গেল, কিন্তু শান্তি
এল কৈ ? রাজঘর পাশে কামোন্মথিত চিত্তেও
যে ইহা অপেক্ষা অনেক অধিক শান্তি ছিল । হায়,
তাঁর নির্মল মনে কত কষ্টই না নিয়ে এসেছি ।
আজ তিন বৎসরের উপর হল তাঁর দর্শন পাই
নেই । তাঁর সব কথাই ফলল । তাঁর নিকট
তাঁকে সর্বতোভাবে পাবার জন্য কুল মান
গিয়েছে বলে ভাগ কর্তাম্, আর আজ সত্য সত্যই
সব গিয়েছে । আমি বারবিলাসিনী অপেক্ষা অধম
হয়ে, কামুক পুরুষদের কৃত্রিম ভালবাসার বশবর্তিনী
হয়ে, স্বার্থপর নাচ পাশবিক প্রেমের তাড়নায়,
লজ্জা, ভয়, ঘৃণা সব হারিয়েছি । আত্মীয় স্বজন
সবাই আমায় ত্যাগ করেছে । হায় কি করলাম ।

আর্ধ্য ! প্রাণের দেবতা চন্দ্রজিৎ ! দাসীর এদশার কথা তোমার স্করুণ কৰ্ণকুহরে কি প্রবেশ করে নেই ? তোমার কি দয়া হবে না ? (চন্দ্রজিতের চিত্র লইয়া চুম্বন) ভগবান ! চন্দ্রজিৎ পরম দেবতা আর আমি ঘোর পিশাচী, আমি কি তাঁকে আর পাব দয়াময় ! আমি যাতে তাঁর সেই নিম্মল প্রেমের অধিকারিনী হতে পারি, তাঁকে পেতে পারি, সেই পথ দেখাও ; আমার সব পাপ আশা গিটেছে, এখন আমি তাঁর সেই বক্ষ একনধর এই মাথাটি রেখে কেঁদে কেঁদে মরতে পেলো স্থখী হব । তিনি রাগ করে যখন আমাকে পথের ভিখারিনী করতে চেয়েছিলেন তখন বুঝি নাই যে সেটা আমার হিতের জন্যই । হায়, তখন সদর্পে তাঁর নিকট অথের জন্য লালায়িত হয়ে, তাঁকে শত তিরস্কার করে, ভুচ্ছ ধন লয়ে এসেছিলাম । আর আজ সেই অর্থের জন্য আমার সতীত্ব হারিয়েছি—আমার নারী জীবনের উদ্দেশ্য হারিয়েছি । শুধু তাই নয়, সেই অর্থের জন্য কত নরপিশাচ আমার দ্বারে

এসেছে । চন্দ্রজিৎ, তুমি একদিন রোগে বলেছিলে
 “লীলা! তুই আমাকে চাস্না, আমার অর্থাৎ
 চাস্না—কিন্তু এর প্রতিফল তোকে পেতে হবে”—
 হে প্রভু! আজ দেখছি সে কথা হাতে হাতে
 ফলছে । এই ঘর, এই সাজ সজ্জা দেখেই ত
 পোড়া পুরুষ আসে, তাদের মধ্যে একজনও ত
 আমায় প্রকৃত ভাল বাসে নাই; ভাল বাসেওনা ।
 হে ঈশ্বর! লীলার প্রায়শ্চিত্ত বেশ হয়েছে,
 আরও হোক নাথ—আগি যাতনা পেয়ে, যদি তাঁর
 মনে যে কষ্ট দিয়েছি তার কণামাত্র দূর করতে
 পারি, তবে যেন আরও কষ্ট পাই । চন্দ্রজিৎ—
 চন্দ্রজিৎ; তোমার পবিত্রহৃদয় না জানি দুর্গার
 জন্য কতই সহ্য করেছে—না জানি নির্জনে
 কতই কেঁদেছে । জগৎপতি! এতদিনে বুঝছি
 চন্দ্রজিৎ কি জিনিস । চন্দ্রজিৎ! প্রভু! পালক!
 একবার দেখা দাও—তুমি যে বলেছিলে “লীলা
 তুই শত বিলাসের মধ্যে শত রশ্চিক্-দংশন-
 যাতনা অনুভব করবি”—তা তো হয়েছে ।

(রোদন) ।

মানসলীলা ।

(লীলার পূর্বপ্রেমাত্মরাগী একজন যুবকের প্রবেশ) ।

যুবক—এখন কান্না রাখ, একশ' টাকা চাই, এখনি দে ।

মানসলীলা—টাকা আর কোথা পাব ? সবই ত নিয়েছ ।

যুবক—(লীলার কেশাকর্ষণ করতঃ)—আবার বজ্জাতি,
টাকা দিবি কি না বল, তা না হলে আজ মেরে
ফেলবো ।

মানসলীলা—না, তোমার পাপ হাতে মরতে চাই না !
এই অনন্তগাছিই শেষ সম্বল, তাও নাও, নিয়ে
বিক্রী করে তোমার যে টাকার দরকার নাওগে ।
ঘরে আর একটি পয়সাও নাই । পাওনাদাররা
রোজ তাগাদা করছে, মহাজনে বাড়ী ক্রোক দেবে
বলছে, এই বার ভিক্ষে করে খেতে হবে ।

যুবক—তোমার আবার ভিক্ষে জুটবে ! (পদাঘাত করতঃ লীলার
বালু হইতে সজোরে অনন্তগাছি কাড়িয়া লইয়া হাসিতে হাসিতে
প্রস্থান) ।

দ্বিতীয় দৃশ্য ।

গণিকাপল্লী ।

(জনৈক উদাসীনের গাহিতে গাহিতে প্রবেশ) ।

লম্ব-খাষাজ—ঠুংরি ।

কখন কি রক্ষে থাক

বুঝি না ভঙ্গিমা দেখে’,

বাঁকা পথে সদা গতি,

সোজাটীকে দূরে রেখে’ ।

পবিত্রতা দিলে ধরে’,

পায়ে ছুড়ে ফ্যালো তা’রে,

কলুষ-কলসী কাঁকে,

ছলনা-অঞ্জন চোখে ॥

(প্রস্থান) ।

তৃতীয় দৃশ্য ।

চন্দ্রজিতের যোগাশ্রমের প্রাঙ্গন ।

(এক পাশ্বে মানসলীলার প্রস্তর মূর্তি, চন্দ্রজিৎ তাহার সম্মুখে দাঁড়াইয়া
গদ্গদ স্বরে গাহিতেছেন) ।

কাফি—রাঁপতাল ।

স্মৃতি মন্দিরের গো	পূজারি আমি,
কি পূজা করি সেথা	জানে অন্তর্যামী ।
মানস দহনে,	এসেছি বিজনে,
স্মৃতি বিলোপনে,	শান্তি অনুগামী ।
তথাপি নৃতন,	কত শত যেন,
স্মৃতি অনুক্ষণ,	করে পুনঃকার্মী ।
পতিত পাবন,	ডাকে অভাজন,
করহ পালন,	ওহে ভবস্বামী ॥

(প্রস্তর মূর্তির দিকে বিক্ষারিত নেত্রে চন্দ্রজিৎ তাকাইতে
লাগিলেন । কমল কুমারীর প্রবেশ) ।

কমলকুমারী—আর্য্য, এত শিক্ষা, এত পবিত্রতা আপনি
জগৎময় দিতেছেন, এ অভাগিনীকে কত উন্নতা
করিয়াছেন, তথাপি আপনি নিজে এই মায়াবিনী
লীলার স্মৃতিটী ভুলিতে পারিলেন না ? শুধু তাহাই

নহে, সেই স্মৃতিটীকে জাগরুক রাখবার জন্য মানস
কল্পিত প্রতিমূর্তি স্থাপন করতঃ মানসলীলার
মানস পূজায় যে কেন রত আছেন, ভগবন, ইহার
তো মন্যু কিছুই বুঝিলাম না । লীলাকে তো
আমি অতান্তই ভাল বাসিতাম, স্নেহ করিতাম;
তবে সে যে দিন এই আশ্রমে আপনার পবিত্র
হৃদয়ে অনর্থক ক্লেশ দিয়া চলিয়া গিয়াছে, সে
দিন সে আপনার মহৎ উদ্দেশ্যে বাধা দিয়া
গিয়াছে, সেই দিন হইতে তাহাকে ভাল বাসিলেও
আমি তাহাকে নারকী পিশাচা বলিয়া জানিয়াছি—

চন্দ্রজিৎ—(বাধা দিয়া) চূপ, চূপ, লীলাকে পিশাচা বলিস্
না । কল্যাণময়ি, সে যে আমার মানসী, সে যে
আমার পাষাণী শ্যামা । সে আসছে—মন বেশ
বলছে, সে আসছে । আমার পবিত্র ভালবাসার
মহাপরীক্ষা অতি মনিকট । কমলা ! আমি যে
তাহার মূল বপুকে স্নেহ করিতাম, তাহা নহে,
তবে যাহা নশ্বর, যাহা থাকিলে না, তাহার জন্য
মায়া করিয়া কি হইবে এই ভাবিয়া তাহার দেহের
কান্তিকে উপেক্ষা করিয়া, তাহার মানস রূপেরই

মানসলীলা ।

ভজনা করিতাম । সেই জন্য নিশিদিনই মানস-
লীলাকে আমার মানস-হৃৎসের বিন্দু স্বরূপে ধ্যান
করি ও করিব । (সগত) হায় ! কোথায় পতিব্রতা
সতী সাধ্বী মহাশয়িনী আমার ! তুমি আগেই
গেঁচ । তোমার ন্যায় পবিত্র কুম্ম এ জীবন-
উদ্যানে আর পাব না । তোমার পতিভক্তি,
তোমার পতির জন্য ভাগ স্বীকার, তোমার পতির
উপর অন্ধনিশ্চাস এ সকল ভালবার নয় জীবন
সাঙ্গিনী ! তবে তুমি আগে গেঁচ ভালই করেছ,
কারণ আমাদের অবতরণ, কুম্মক্ষয় জন্য । নিজে
কুম্ম করি, করে তাতেই লৃতাত্ত্বের ন্যায় জড়াতে
ভালবাসি । তুমি পুণ্যবতী পুণ্যময়া হয়ে চলে
গেঁচ, আর আমি মহাকর্ম্মী—কশ্মের শ্রোতে
হাবুড়ু খেয়ে এই সত্য মুক্তির তীরে এসেছি ।
তবে আর বিলম্ব নাই । প্রিয়তম পুত্রকে রাজ্যভার
দিয়ে বানুপ্রস্থ অবলম্বনের সময় অতি সন্নিকট ।
এখন সেই পাগ্লা মহেশ আর যে টুকু বাকী আছে
করিয়ে দিলেই নিশ্চিন্ত । (প্রকাশে) মা কমল-
কুম্মারি ! সুখ দুঃখের মীমাংসাটা বুলি তোঁ মা ।

যেটা কাল সেইটাই ধ'ল—এখন দেখলি তো মা ।

কমলকুমারী—আর্য্য, আপনি ধন্য ! আর ধন্য আপনার
 তিতিক্ষা ! ধন্য আপনার মানসলীলার প্রতি অগাধ
 প্রেম ! আর ধন্য আপনার ঈশ্বরানুরাগ ! আর্য্য, আত্ম
 শরীর আমার কাঁপছে—কে যেন বলে দিচ্ছে,
 'কমল তোর ভব বন্ধন ছেদনের সময় উপস্থিত'
 দেব, গুরু, পতি, পালক, আজ দ্বাদশ বৎসর এই
 আশ্রমে আপনার জ্ঞান-মঙ্গিনা হয়ে মধু হতে
 মধুর শিক্ষা পেয়ে শান্তি লাভ করেছি । এখন
 পিতা বিদায় দিন । এ যে গিয়াতি আশ্রয় বাবার
 জন্য সংকল্প করছে । বাই সেই মানস-
 সরোবরের ধারে আপনার পুনির্মা আবার
 জ্বলাইবার ব্যবস্থা করিগে ।

(চন্দ্রজিৎচরণে পতন ও মৃত্যু)

চন্দ্রজিৎ—একি ! একি ! কমল ! কমল ! কমল আর
 ইহজগতে নাই ? দার্শনিকামত্যাগ . বা মতি—
 যা, কোথায় পালানি ? সব নামে কিন্তু হুই,
 মানসলীলা আর আমি বান না । উঠবে। ডুববে,
 আবার উঠবে । বর্তমান না ভারতক্ষেত্রে

মানসলীলা !

আমার কার্য শেষ হচ্ছে, ততদিন কভু বা চাঁড়াল
কভু বা বাঘুন, কভু বা রাজা কভু বা যোগী বেশে
আসতে যেতে হবে ; আর তার সঙ্গে সঙ্গে যাদের
দরকার তারাও আসবে যাবে । (সজল নয়নে
আশ্রমের দিকে চাহিয়া । রে আশ্রম ! আজ আশ্রম-
জীবন শেষ হল, এইবার বনে বনে বেড়াব ।

। কমলকমারার মৃতদেহ স্কন্ধে লটুয়া গাঁ ৩ । ।

ধানি মিশ্র—একতাল ।

সংসারে এসেছি সংসারার সাজে,
সংসারের তরে সংসারীর কাজে,
স্মৃতিটুকু তব জাগে মাঝে মাঝে,
অতীত দেখায়ে ভবিষ্যৎ বঝায়ে ।
মজেছি, মজিব, মজিয়া মজাব,
ভজেছি, ভজিব, ভজিয়া ভজাব,
কৌপিন পরে'ছি আবার পরিব,
হেসে চলে' যা'ব আনন্দ-আলয়ে ॥

। পটফেপন । ।

তৃতীয় অঙ্ক

প্রথম দৃশ্য ।

আশমশু কানন ।

(কাননের দ্বারে দ্বারপাল পদচারণা করিতেছে, কাননমধ্যে বৃক্ষতলে
পরিলম্বন করিতে করিতে রাজসি চন্দ্রজিৎ শৃঙ্গমনে গাণ্ডিতেছেন ।)

ঝাঁঝিট—একতাল ।

জীবন-শ্মশানে, ধীরে ধীরে কেন এলি লীলাময়ী খাইয়া ।
স্মৃতির চিতাতে, যতাহুতি কেন দিলিগো মানসে-আইয়া ॥
বেসেছিছু ভাল একজনে আগে, যুবক প্রাণের পূর্ণ অনুরাগে,
কর্তব্য-পালনে ছেড়েছিছু তা'কে, সুদূর দেশেতে খাইয়া ।
স্মৃতির নদীতে বহে'ছে সলিল, মলিনতাময় কভুবা সুনীল,
ভেসে' গে'ছে বুক করমের স্রোতে, অশেষ আছাড় খাইয়া ।
সতীত্বের দ্বারে করিনি কখন, জঘন্য কামের কাম আলাপন,
তাইত শিখেছি পবিত্র প্রেমের, সুরটা মুরমে গাইয়া ।
ভালবাসি তো'রে জীবন ভরিয়ে, তাঁখি মন প্রাণ হৃদি প্রসারিয়ে,
ম'লেও মানসা পা'ব আমি তো'রে, প্রেমানন্দ ধাম পাইয়া ॥

(চন্দ্রজিৎ চিন্তায় মগ্ন হইলেন) ।

মানসলীলা ।

(দ্বারদেশে মলিন বসনে আলুলায়িতকেশে রুগ্নদেহে
নষ্টহস্তে মানসলীলার ধীরে ধীরে আগমন) ।

মানসলীলা—(দ্বারপালকে সম্বোধন করিয়া) বাবা, তোর রাজা
কোথায় ? আমাকে তার কাছে নিয়ে যা বাপ্ ।

দ্বারপাল—আরে মায়া, মহারাজতো বন্মে ফিরতা হায়,
অভি কিসিকো যানেকা লুকুম্ নহি ।

মানসলীলা- বাবা, আজ তিন দিন কিছু খেতে পাই-
নেই । তাতে দুঃখু নেই, তবে একবার তাঁকে
দেখে মরতে চাই তোর পায়ে পড়ি বাপ্,
একবার তাঁকে খবর দে—বল্ যে তাঁর হারাণ
দুঃখিনী এসেছে । । রোদন ।।

চন্দ্রজিৎ । স্বর শুনিয়া বনমধ্য হইতে দ্রুত পদে উত্থান দ্বারে
আসিতে আসিতে) কেও ? কার স্বর ? পর্বস্মৃতি
কেন জাগে ? সবত গেছে—কমল গেছে
লীলাকেও হারিয়েছি—তবে ও কার স্বর ?

মানসলীলা—(অগ্রসর হইয়া চন্দ্রজিতের পদপ্রান্তে লুপ্তিতা হইয়া)—

ক্ষমা—ক্ষমা ! (মূচ্ছা) ।

চন্দ্রজিৎ- লীলা, মানসি, হায় হায় ! এই কি আমার
সেই লীলা ? এই কি, সেই তড়িৎপ্রফুটি,

কোমললতিকা মানসলীলা ? হে দয়াল !
(ক্রন্দন) গহনে, বিপিনে, এই দিন দেখাবার জন্য
কায়মনোবাক্যে কত তোমায় ডেকেছি কত
কেঁদেছি, আর আজ যখন সে বাসনা পূর্ণ করলে
তখন আর স্থির থাকতে পারছি না । কত
পার্বশ্মৃতি, কত ভাব, কত ভালবাসা উদয় হচ্ছে ।
লালা, লীলা--আয় তোর ভোলানাথের কোলে
আয় । (মচ্ছিত্রা লীলাকে কোড়ে উঠাইয়া লইলেন ।)

তৃতীয় দৃশ্য ।

বাক্স-প্রাসাদের নধ্যস্থ একটা শয়ন কক্ষ ।

(মানসলীলা যত্না শয্যায় শায়িতা । পার্শ্বে চন্দ্রজিৎ মলিন বদনে
উপবিষ্ট) ।

মানসলীলা—(ক্লীণস্বরে) প্রাণের দেবতা ! মানস পতি !

দাসী সব ভুলেছে, দাসীর সকল পাপের প্রায়-

শিচত্ব হয়েছে । এখন যত্নাকে আর ভয় করি না ।

এখন তোমার স্পর্শ, তোমার রূপ, তোমার

নিশ্বাস সবই আমার পক্ষে স্বর্গ । তোমাকে

দেখে আমার আরতো কামনাতনা আসে না,

এখন কমনীয় শান্তি ! আহা ! তোমার কি সুন্দর

প্রেম ! কি সুন্দর প্রেম ! আজ এই তিন মাস

এ অভাগিনী শয্যায় শায়িতা আর তুমি শত কাজ

ফেলে একদিনের তরেও তার সঙ্গ ছাড় নাও ।

নিশিদিন পবিত্র ভালবাসা শিথিয়ে, জীবনের

পরপারের পাথেয় দিয়ে, আমায় ধন্য করলে ।

(শূণ্য দৃষ্টে) কমল, কমল ! আমি শীঘ্র যাচ্ছি ।

এবার দেখাবো মানস-সরোবরে চন্দ্রজিৎের

মানসলীলা ।

আশ্রমে কে বেশী অধিকারিণী হতে পারে ।
(চন্দ্রজিতের হাত ধরিয়া) চন্দ্রজিৎ ! হৃদয় দেবতা !
বল—আবার বল আমায় ক্ষমা করেছ । বল,
আমি মরে, তোমায় পাব । বল, অনন্তকাল
তুমি আমার পতি, তুমি আমার গতি, তুমি আমার
মুক্তি হবে ।

চন্দ্রজিৎ—(অশ্রুপূর্ণ লোচনে) লীলা ! যা হবার নয় তা
কখন হবে না, যা হবার তা নিয়ত হবে । যা
ছিল না তা থাকবে না, যা আছে তা যাবে না ।
লীলাময়ি ! মানসি ! মানসগঙ্গা ! যে দিন তুমি
আমার আশ্রম ত্যাগ করে গিয়েছিলি সে দিন
তোমার এই স্থূল মানসলীলাটার অধোগতি ভেবেই
রুগ্ন ও চিন্তিত হয়েছিলাম, কিন্তু আমি তখনও
জানতাম, এখনও জানি, মানসলীলা মানস-জগতে
আমার,—আর কাহারও ছিল না, হবেও না ।
সুতরাং তোকে ক্ষমা না করে কি থাকতে
পারি ? তোকে সেই দিনই ক্ষমা করেছি ।
শ্রীভগবান যে তোকে এই জীবনেই এত কষ্ট
দিয়ে আলোক দেখালেন, আমি যে, ব্রহ্মস্থানে,

তাকে আমার নিজস্ব করবার জন্য আশ্রমে বাস্তু
 হয়েছিলাম তা তাকে অন্তিমের সম্পূর্ণ প্রদান
 করতে পারলাম এ ভাগ্য বড় কম নয় । লীলা,
 আর কোথা যাবি, এখন তো আমি অনন্তকালের
 জন্য তোর । তুই যে আমার—আর কারও নোস্
 এই যে বুঝেছিলিস্ এই আমার যথেষ্ট পরকার ।
 এখন লীলা “ তুমি আর আমি মাঝে
 কেহ নাই, কোন বাধা নাই ভুবনে” ।
 আমি ভোলানাথ আর তুই ভবানী । আমাদের
 বিচ্ছেদ ও পুনর্মিলন জগতের হিতের জন্যই
 হয়েছিল । আমাদের উদয় বিলয়ে জগতের
 উদয় বিলয় ।

(মানসলীলাকে আলিঙ্গন) ।

মানসলীলা— উদয়া চক্রজিতের বক্ষে মাথ! রাখিয়া করজোড়
 চক্রজিতের দিকে নির্নিবেদন নেত্রে চাহিয়া ।—

“ অসতো মা সদায়
 তমসো মা জ্যোতিগময়
 মৃত্যো মায়মৃতং গময়” ।

(চক্রজিত-বক্ষে চক্ষু মুদ্রিয়া মানসলীলার মৃত্যু) ।

মানসলীলা ।

চন্দ্রজিৎ—(সজল নয়নে) গেলি মানসলীলা ! যা—যা
সেই স্থানে, যেখানে আমিও যাচ্ছি ! আজ হতে
তুই আর আমি দিবানিশি একত্রে থাকবো । ধন্য
ভগবান ! ধন্য তুমি ! আমার দীক্ষা, আমার শিক্ষা,
আজ সম্পূর্ণ হল ।

(পটক্ষেপন) ।

চতুর্থ অঙ্ক ।

শেষ দৃশ্য ।

শ্মশান ভূমি ।

(মানসলালা চিত্রায় শায়িতা—রাজশি চন্দ্রজিৎ গৈরিক কন্যাভূষিত
হইয়া লীলার চিত্রায় আশ্রয় দিতেছেন ।)

চন্দ্রজিৎ—আর ক্ষণকাল মধ্যে স্থূল মানসলালার কিছই
থাকিবেনা কিন্তু আজ হইতে সে সম্পূর্ণ আগার,
কারণ—“আমিত জীবন-ব্যাপী আমিত স্বাধীন”
“সেও আমি, আমিও সে”

(প্রজ্জ্বলিত চিত্রার দিকে স্থিরদৃষ্টিতে দেখিতে দেখিতে নীরব হইলেন ;
আবার বিস্ফারিত নেত্রে কম্পিত স্বরে বলিলেন ।—

ঐ—ঐ—কেশকলাপ পুড়ে গেল !

ঐ—ঐ—দক্ষিণ চক্ষুটি গেল ! এইবার বাহ্য-

লীলাকে শেষবিদায়—

(লীলার অর্দ্ধদণ্ড অধরোষ্ঠে চুম্বন করতঃ প্রজ্জ্বলিত চিত্রা হইতে একটি
প্রজ্জ্বলিত কাষ্ঠ লইয়া ঘুরাইতে ঘুরাইতে গীত) ।

মানসলীলা ।

ভৈরবী—একতালা ।

আগার চিতা জ্বলিবে যেদিন,
হইবে ভুবন মুখ মলিন,
খোলটা পড়িবে, সকলে দেখিবে,
আমি চলে' যা'ব হাসিয়া ।

(বিকট হাস্য)

করমের ডোর, খলে' গে'ছে মোর,
কেটে গে'ছে সব বিষয়ের ঘোর,
তাই পুষ্প, পাত্রে, পবনে, গগনে,
চলিগো তরঙ্গ নাচিয়া ॥

(ষবনিকা পতন)

সমাপ্ত ।

**PRINTED AND PUBLISHED BY
K. P. MOOKERJEE & Co
20, MANGOF LANE,
CALCUTTA.**